

沈乃文主編

明別集叢刊 第四輯

第二十九冊

黃山書社






「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第二十九冊

黃山書社



(明)謝三秀撰

雪鴻堂詩蒐逸二卷附錄一卷

清咸豐元年山陰王介臣刻本

雪鴻堂詩集

咸豐元年
辛亥仲秋
刊於遵義

雪鴻堂詩蒐逸序

黔自明始有詩萌芽於宣正條衍於景成以來而桐豫於隆萬自武略而止菴而用章廷瀾竹泉汝錫而時中西園而唐子昇宗魯伯元而道父吉甫徐川元淑有餘年榛莽遞開略具涂軌山甫澍之內江諸君又意儒學特餘事及之泊乎用霖味澹卓凡屢非炳麟鏗訃道乃大啟一時方麓鄧州冷然瑞明心易循陔美若無近少崔小范旗鼓響應延溫沅無間幾於人握靈珠家抱荆璧而其咀嚙六代步驟三唐清雄宕逸風格雋遠尤以君采謝先生稱首故吳滋大序其詩謂爾時士

雪鴻堂詩集序

夫風雅之味若農夫菽麥高下晝晚重習長孰以使之然特推美郭開府韓督學諸公之折節誘掖與夫湯義仍王百穀何無咎諸君子交游切磋然亦豈非鄉里多賢夙有以成之也而其冲和之音恬憺之味蒼潤之色初若易至索而愈遙則天工人事竝有獨到不關師友者故其時公安竟陵先後提唱詩道荆棘而先生崛起萬山中擺脫習染迥然高舉非其中有得之深者而能然邪桑梓同輩科第仕績皆有可稱而先生竝弃去校官名乃在諸公上豈苟然邪友芝少讀竹垞詩綜始知有雪鴻堂集讀滋大文又知有陳伯璣七十四首之選

而滋大復約為五十六惜諸本俱不可見道光甲辰遵義子尹教諭乃於貴陽傅雨亭孝廉許得先生遠條堂稿二卷畱余影山蓋卽傅竹莊大令據錄入黔風之本雖於全集千餘篇僅當什一而萬厯已酉前後開數年作尚首尾粗具因鈔先生詩他見者除複重別均通為三卷題曰雪鴻堂詩蒐逸藏匣笥八年矣今歲初夏山陰王个峰上舍過余湘川講舍論黔詩及此本个峰資促上板余以非完未遽應个峰曰安知雪鴻全集不藉此引以出乎其終不出則是刻遂可已乎因序而授之昔遠條堂稿以萬厯丙辰校刊於先生門人台郡高

雪鴻堂詩集序

存恕子言林承軒良軸今重刊又得吾个峰浙人好事洵可尚也咸豐元年六月既望獨山後學莫友芝書

貴陽王教諭訓封武略將軍有集詹訓導英字秀實有止菴集平越黃尚書鍾字用章不編集編傳數詩與隆周布政瑛字廷潤有草亭存稿貴陽易太守貴字天爵有竹泉集思南安太守康字汝錫有青鸞集貴陽徐開府節字時中有蟬噪集越刺史吳字德充有西園集范郡丞府字季修有龜山集清平王俞事木字子昇有晴溪集貴陽陳刺史文學字宗魯有耀輝存稿餘生續稿湯太守學字由元有逸七閑錄續錄普安蔣開府宗魯字道父清平李開府佑字吉甫有集貴陽吳郎中淮字徐川有桐江邊集長嘯等集周大令廷錫字朝龍知內江有漁磯集潘維清字清平有書應集字山甫有學孔精舍集續稿思南李參政潘字混之有同野詩文集貴陽馬大令廷錫字朝龍知內江有漁磯集潘參政潤民字用霖有味齋軒集越開府其杰字卓凡有菊門白門集梁屢非諸集李太僕時華字方麓李刺史國棟字鄧州楊參政師孔字洽然莫郡丞天驥字瑞明都勻陳給事尚象字心易有集新添邱編修示實有諸陵園集普安蔣太守杰字美若王尚書神遠字無近有集施秉何大令一中號少崔有少崔山人集威清蔣郡丞勸善字小范有秦遊草我后齋集弟梓芝附注

雪鴻堂詩苑逸目錄

卷一 古近體詩五十七首

寒夜飲楊順之太史石林精舍醉歌

西屯玩沈珠泉因遊白龍洞作

夜宿西屯人家

越郡丞王岑公江閣二首

大同卿方麓李公奉使過里招講西園奉簡二首

春病二首

仲夏越漢房孝廉與對月

端居

雪鴻堂集目錄

夏日集薛文叔孝廉兩巖放舟川上作

秋晴出郭與李屏藩蕭季律張嗣父遊眺薄暮飲

溪上僧菴二首

越郡丞南園小集次韻

寄金谿友人

李刺史承明吟望亭用韻

寄河上令黃坤維

方岳陶字劉公次郎輓歌

三月晦日小筍道中

逃澄橋曉望



石佛寺借僧寮淪茗作

曹定國通寺登飛翠閣二首

種花吟贈顧叟

安莊夜聞鶯

疊水亭上小憩因作短歌

關嶺馬跑泉

瘧泉

懷歸

還家理園作三首

永興禪院赴明上人齋

雪鴻堂集目錄

夏日李承明吟望亭與諸同社小集

遠條堂雨中見紫薇落花

溪上小飲示舍姪文若

得胡大韶手書卻寄

山館邀余存素小集

送少參倪公致政還越二首

送范東生遊峩眉

送方次卿遊峩眉

雨中對菊懷康生和願之作

開府瑞芝胡公初度賦呈

送從子文若計偕北上

送周元育

送王岑先生謁補北上

贈方心矩

送播州顏生遊燕作

冬日訪願之石林二首

寒夜贈客賦得獨不見

夜雨聽溪作

李東白齋中看玉蘭同願之作

聽盧姬歌二首

雪鴻堂集目錄

卷二 古近體詩五十五首

城南江亭學憲壁裁韓公題同參知太函謝公都

護元圖童公小集五首

關夜有懷

湯明府別墅次韓學憲韻二首

蕭季律移家曲溪上攜具過訪并有小作

李師道招同任元秀小集

村行微雨適至小憩洞中因題避雨巖口占以示

同遊者

送學憲韓公擢參閻藩先過白下二首

秋日山行過田家作

九日山行暮歸就飲王叟菊籬下醉後偶成

送洪山人還新安

送薛敬叔孝廉之燕

送何起易刺史之粵西

清平道中逢舍姪文若計偕歸

焦溪吟簡呈藩參蒼麓馬公時與予同赴都門

渡長溪舟中望二酉

憩桃花源賦畱亭子上

陳衡靈邀遊德山寺

雪鴻堂集目錄

再訪德山青蓮社值建中上人歸

題高明柱博士貞母卷

都門與蒼麓馬公言別

筠棲園

題何海若長安寓舍用壁間韻

壽金夢石將軍

書胡元芳叔懋伯仲卷

荅贈崔公超

荅贈郭五徵

楚人易又元以畫障見貽因用短歌荅贈

四

送詹壁侯之遼陽二絕

題畫寄朱虞仲

陸君可王公錫以詩刺見貽賦此見意因用韻別

七夕送童子翼都護入蜀

秋分日走筆別羅玉檢時君禪居湖上

中秋都門留別王公錫金孟堅陸君可鄭倩斯胡

元方叔懋崔公超王澹翁程公儀吳子達何海

若諸兄

陸君可九日初度何海若繪登高圖爲壽予侑以

詩

雪鴻堂集目錄

五

過太梁東竹居宗侯四首

古鄣道中

九日憶家

九日宿雙井

信陽曉行

采菊

安陸舟中襍言二首

送陳大令之赤城

漢陽秋夜王章甫樊國泛舟歌

蒲圻道上咏松

卷三 古近體詩一十八首

晚汎蕭湖尋宋人虞仲房石壁

蠻娃曲

湯陰道上見楊花如絲戲作

郵行卽事

送吳使君攝八番郡事

夜集薛葵軒明府西巖

焦溪雨渡

辰陽晚泊

洞庭夜泊石門對月

雪鴻堂集目錄

六

西菴徑中萬竹翛然喜而賦此

題趙文度畫西溪梅花

別郭開府

春日泛舟泮江

披雲巖三首

飛雲洞

再過飛雲洞

雪鴻堂詩蒐逸卷之一

明 貴陽 謝三秀

遠條堂草上

寒夜飲楊願之太史石林精舍醉歌
關西竊商楊夫子片語千秋稱太史爲園近在宅之隅
怪石林林白雪起踞如虎兮伏如象仙掌芙蓉不可狀
鬼斧何年劈洞開峭壁嶙峋幾千丈池曲雙雙下白鷗
寒漪不動鏡光浮竹石迢迢袁粲宅圖書容與米顚舟
有亭聊以寄寥廓斜陽晚映青山郭祇知幽處生烟霞
不謂胸中具邱壑江南攜得圓吭禽晏坐時聞九皋音

雪鴻堂集一

主人對之吹玉笙恍疑明月嶽山岑憶昔垂簪與君友
君才長虹貫北斗昨年我亦賦明光悲歌對飲金臺酒
酒人之名不易得意氣馮凌燕市北英雄若不傾肺肝
筑傍睥睨無顏色結夏相期入翠微襟袵桐帽紫烟衣
聽泉松下科頭坐洗藥潭邊濯足歸聽泉洗藥何蕭爽
住山且作西山長秋風我忽問刀環沙棠之舟木蘭漿
別後聞君謁帝閣青藜閣裏拜新恩侍從誰言官未達
歲星元自隱金門讀禮西歸舊溪曲還屋龍湫漱寒玉
閉門剝啄無人聲日挂名香理仙錄二三兄弟號博雅
相看總是素心者人人手握靈蛇索詩篇擬結蘭亭社

君今畱客醉深宵洞口寒梅壓板橋一枝兩枝凍欲雪
笑折瓊芳入酒瓢飲君酒爲君歌與君更盡金叵羅世
上浮名且奈何吁嗟乎白日亦易馳朱顏不常好丈夫
相逢那得復草草

西屯玩沈珠泉因遊白龍洞作

野老相逢一破顏壺觴問水與看山寒泉碧澗餘人淚
古洞青低玉女鬟龍去定因行雨出客來虛擬弄珠還
何緣劉阮天台路卻在城西十畝間

夜宿西屯人家

雪鴻堂集一

空田鶴影似人長山樓笛起家歲月野浦砧殘夜夜霜
垂老生涯耕稼在衡茅吾擬託柴桑

越郡丞王岑公江閣二首

占斷南明水一灣飛樓縹緲隔塵寰園同莊叟逍遙處
山在孫登嘯咏間曲檻落花驚鶴定空潭柔櫓如鷗閒
招攜總是漁樵侶松火秋雲共掩關

歸與昨日自長沙暫向江皋覽物華造竹衣裳霏綠雨
看山杖履踏青霞臨臨錦浪桃花園簾捲東風燕子家
更掉扁舟稱釣叟筆牀茶竈是生涯

大同卿方麓李公奉使過里招謙西園奉簡二首

簡書萬里詠皇華錦書聊停四牡車龍來補時依日月
馬曹閒處帶烟霞空亭隔竹聞啼鳥細水通池看浣花
北斗闌干春盡綠問奇今醉子雲家

水色山光互吐吞使君畱客醉華軒梅兼老鶴臨池瘦
鐘帶殘鴉報夜喧酒貯宜城三百石書窺國谷五千言
久知漢主虛前席暫以逍遙寄漆園

春病二首

忽忽春將老輕寒透薄衣閉門花落盡止酒客來稀竹
杖供行藥芒屨負采薇多情雙燕子還向舊巢飛
伏枕喧啼鵲山牕喜載陽長貧遺藥債久病禮醫王廚

雪鴻堂集一

宿煎茶火爐添點易香晚風吹不定飛絮滿繩牀

仲夏越漢房孝廉溪園對月

積雨旦方霽散策步郊郭有亭臨澗阿境寂意亦泊微
霞蒸遠岑殘虹映長薄延眺及城隅縹緲見樓閣芳櫺
拆絳房修簷解新籜魚泳萍葉開鳥下藤花落感此朱
夏時瞻彼中林酌涼月出深松素暉流絕壑形骸偶相
忘宮商復間作伊予塊疎拙微抱欣有託

端居

盛夏鬱炎歊城居宛坐飢兼旬結陰霖積潦沒人脛杖
策何所之出門苦泥滓端居寡歡趣蕭然室懸磬乳鴉

啼未休流螢飛不定因憶陶家牕空懷蔣生逕何如塵
外蹤松濤愜清聽

夏日集薛文叔孝廉西崑放舟川上作

茅堂朱夏枕潺湲積雨空林深掩關偶晴騎馬衝泥至
一尊坐對城西山朝對城西山暮泛城西水西水云云
竹箭流西山矗矗芙蓉紫錦纜隨風不用牽濠濮之想
何翛然百尺綸竿嚴子瀨一牀書畫米家船酒柸入手
浩歌發頭不裹巾足不襪浮雲散盡江天青金波忽漾
如珪月汗漫疑乘貫斗槎何須燒燭照江花別有小航
載簫鼓夜深餘響落蒹葭

雪鴻堂集一

秋晴出郭與李屏孺蕭季律張調父遊眺薄暮飲
溪上僧菴二首

行吟逢夕霽踏葉過前潭山近青連郭雲歸碧滿菴孤
鐘畱客聽半偈與僧參何處聞雞犬人家住水南
溪路晴猶滑溪流清且深水腥雙鷺下樹暝一猿吟
法非高足論交是素心秋原堪眺處纖月在楓林

越郡丞南園小集次韻

城南吟眺有高臺轉壑穿林步步苔滿徑新霜秋葉墜
一川寒雨暮鴻來瓜廬擬共東陵卜菊社應同栗里開
幅硯平生澆未盡還從地主借餘杯

寄金谿友人

別時猶記草如茵，玉馬峰前各惜神。南國一從青桂老，西江幾換白蘋新。凝攀瑤樹思公子，未折瑤華寄美人。今日題詩問龍劍，不知何地是延津。

李刺史承明吟望亭用韻

元亭如罨畫，幽絕輞川濱。卷幔對鳴瀑，移尊歌采蘋。梅癭緣浦凍，鷗泳識江春。林水翛然意，一竿偕一輪。

寄汧上令黃神維

尺素問加餐，鶯啼春欲闌。看君工製錦，而我慶彈冠。雪積蒼山古，霞蒸汧水寒。時聞有新命，聖主辟能官。

雪鴻堂集一

五

方岳陶宇劉公次郎挽歌

天意高難問，文章土一坯。墨池餘舊澤，書幌掩殘箒。玉向中庭折，蘭先九畹秋。緱山明月夜，憶爾挾仙遊。

三月晦日小筍道中

春事此俱盡，村村逢棟花。淳風猶近古，左語漸通華。屋角孤烟直，山根片雨斜。頻年慣爲客，今日苦離家。

巡澄橋曉望

浦樹垂花紫，滿枝桔槔無力。水聲遲橋頭，鳩婦啼仍嬾。正是農家望雨時。

石佛寺借僧寮瀟著作

旅况真無賴，停車對夕曛。空林啼蜀魄，古路入滇雲。寺遠客希到，鐘寒僧獨聞。上方茶鼎熟，青藜漸氤氲。

普定圓通寺登飛翠閣二首

振衣歷翠微，縹緲得飛閣。松風眾壑響，花雨諸天落。漸暝鶴歸林，乍晴鐘徹郭。願言釋塵紛，於焉永棲託。

了了見城市，人家出平楚。列岫不知名，閒禽相對語。采幽成獨行，望遠到高處。鬱鬱山氣佳，客子澹容與。

種花吟贈顧叟

隱君家住古城邊，鶴髮垂垂守獨元。蘿屋幾椽眠夜雨，花田十畝種朝烟。種花之外無餘事，不對花吟卽花醉。

雪鴻堂集一

六

眼前離離堪斲人，安識乃翁花隱意。

安莊夜聞警

鼙鼓中宵急，愁聞戰伐頻。數家出煨燼，一郡入荆榛。地亂難爲客，途窮恥傍人。披衣待明發，華髮鏡中新。

疊水亭上小憩因作短歌

眾流赴壑疾如梭，瀉作層潭千尺波。素影空中飄匹練，寒聲天上落銀河。兀兀孤亭坐清樾，征夫到此思超忽。

隔川殘沫濕衣裳，對面驚濤豎毛髮。君不見黃河萬里愁呂梁，又不見夔門五月戒瞿塘。由來疊水亦太惡，石湍幸不通舟航。咄嗟可畏寧爾耳，浮世人心險於水。

關嶺馬跑泉

絕壑聳丹梯雄封百二齊澗飛千尺雪壁守一丸泥蘿
蔓牽猿臂泉源出馬蹄關山愁極目烽火夜郎西

瘞泉

人云瘞者泉之忒我云瘞者泉之德當此巧言如流時
何不一畝口常默

懷歸

客思悠悠仍忽忽欲歸未歸將奈何已聞盤江足瘴癘
况乃疊水多兵戈暮憶百壺苦無酒朝吟一篇聊當歌
滇池可望不可即五華山色空嵯峨

雪鴻堂集一

七

還家理圃作三首

一月車塵兩鬢絲還山都忘別山時兒童問我春深淺
過盡櫻桃也不知

千箇琅玕蔭白茅翠寒新長過牆梢閒情都付牀頭易
細玩虞翻夢裏交

環堵蕭然獨晏如芭蕉深巷閉門居千時無計謀生拙
朝雨鋤瓜夜讀書

永興禪院赴明上人齋

惠遠能招客香林坐掩扉蟬希知夏早鶯懶識春歸淨
業雙修苦浮生萬慮非伊蒲朝作供細雨藥苗肥

夏日李承明吟望亭與諸同社小集

火雲日日幻奇峰乍得冰壺著此躬山市浮烟穿瓦碧
江城返照射波紅陶潛避地柴桑里鄒衍譚天碣石宮
飲馬嘶迴瓜蔓水浴鴈沙颺葦條風千章怪木蟠蝌蚪
百尺長橋飲蟬螻鏡裏漁舸天上下門前樵路竹西東
金蘭老去交元澹文酒年來調願同卜夜未須燒短燭
紫薇花外月朧朧

遠條堂雨中見紫薇落花

簷聲不斷雨通夕曉起看花花可惜落英片片縱復橫
點破空階秋辭碧分明遠浦見殘霞野老慚無步障遮

雪鴻堂集一

八

但使飛花堪送酒不妨風雨如貪家

溪上小飲示舍姪文若

溪光如鏡遠涵空柳徑柴扉岸岸同沙渚存鱖魚符碧
渚晴花覆鴨關紅汝能繼酒何妨達我獨工詩不服窮
少日疎狂今漸老風流應媿竹林中

得胡大韶手書卻寄

數有懷人夢書來慰鬱陶貧猶依早帽誼不淺綈袍病
葉先霜下陰蟲未雨號采芳聊寄汝秋水正容初

山館邀余存素小集

積雨靜梧枯茅齋生晚烟我懸高士榻君藏孝廉船寒

雁青尊外秋賦畫燭前相連須卜夜爲別動經年

送少參倪公致政還越二首

垂橐度蘭津飄然隱是真百年投老計萬里備遊身
南意村村菊歸心夜夜尊於馬南詔裏應有咏棠人
秋江鬱以盤秋樹渥如丹小草亦何意浮雲惟此官
歸哉彭澤宰老矣富春灘望望五溪路孤舟烟水寒

送范東生遊峩眉

范生天下士神情美無度出門恣遠遊恥爲名所誤
言從天目始霏霏濯松露載勝匡廬嶺冷泠飛瀑布
流賞及滇池在所皆成趣秣馬之三峩山川莽回互
萬峰寒

雪鴻堂集上

九

刺天千林晴亦雨木皮覆窮櫓槎根臥欹路微磴盤以
紆一千五百步西眺大雪山浩劫明積素陰壑虛鎖號
寒巖初月吐樹古腹半空一僧定而固舉手挹聖鐘落
葉紛無數還聞石放光纍纍珠璣登臺感歌鳳疑與
接輿遇之子多勝情兼亦負勝具蕭然樵客裝足爾幽
人屢鳴泉挾策尋遠寺聽鐘赴磨崖寫新詩山靈想呵
護爰以壯遊篇泚毫爲君賦

送方次卿遊峩眉

汶嶺萬重雲嶺嶺梯雲入蟲聲蒼風泉木葉下寒陽
爨存土花斂杖荷筭皮笠招彼山中人探此霞外笈

雨中對菊懷東生和願之作

憶昨分襟何草草秋林槭槭秋蟲老游子天涯興正酣
日暮予子峩眉道峩眉九月凌高寒古雪皚皚應獨掃
空齋無客雨如絲把菊懷君君不知

開府瑞芝胡公初賦呈

時司空命下

胸魄忽雙交雲物偶澄霽賓雁呼其羣嘯嘯聞遐裔
喬峰銷歲復登擊壤人家瓦覆藤石壕有吏不敢入誰
其貽者胡中丞中丞好文兼好武手綰金符腰繫組朝
倚劔兮氣凌虹暮操觚兮才繡虎甲兵百萬羅心胸銅
柱勛華載盟府殊恩召拜大司空萬戶千門蹈且舞須

雪鴻堂集一

十

知聖主有深意水土酉都推重寄行矣平成見禹功尚
方更侈元圭賜我本中丞編戶民白日行歌仍負薪上
書遲遲不得志短褐漂零笑此身常恨相知苦不早西
堂句就誇春草向來囊下非中郎暉陽之材已云槁拒
霜秋老懸孤期廊廟骨法烟霞姿我酌兕觥前致辭願
公永言帝者師

送從子文若計偕北上

離緒悠悠難重陳天寒柳禿梅猶皺緱餘三尺劍花古
篋僅一編元草新山店雞鳴月皎皎江城馬度冰磷磷
臨岐引滿勿辭醉何處和歌非酒人

送周(元)育

惜別一杯酒相思萬里心迴波繁夕棹秀木響春禽世
故君非淺交情我較深應憐在長路永夜動微吟

送王岑先生謁補北上

歲云暮矣風淒淒客子出門征馬嘶馬首梅魂驚太瘦
南枝北枝開未齊道傍柳枯不堪折折取羅浮深夜雪
寒香細細撲離樽魯酒一杯歌一闕歌竟酒亦停僕夫
戒前路黃河腹堅冰可度君行昨日夢刀州刀州之民
應五袴

贈方心矩

雪鴻堂集一

士

束髮弄柔翰中歲滯貧里烟霄不自媒蓬累安足恥爰
從至人遊而悟齊物旨園廬覆重茆去郭不盈咫尺徑
紛蒨蘭方牀翳菊杞平生作蠹魚心神殫諸史一陳廢
興事千秋若掌指酒至歌再歌鳥鳥殊未已一斗澆愁
端一石豁醉理山廚菜甲青瓦豆蠚匡紫酣眠松樹根
松風呼不起平頭報客來造次索冠履秋作輸井稅夜
春修菽水所適在弋釣問之聊爾耳漠陰若爲雋牆東
無乃是貧交二十年吾黨三數子去去南山田耦耕從
此始

送播州顏生游燕作

夜郎之城大如斗遶郭寒烟闕春柳憶昔王師東下時
戰血猶腥白石口顏生讀書差解事十載淪州稱辟地
鴻雁澤中今始安青錢又買燕山醉晴江漸斷殷如雷
征帆須趁樵風開那能刺促重刺促振臂長嘯辭蒿萊
客子獨行良踽踽題詩遠送江之滸侯門莫漫嗟無魚
三十六鱗春可數君不見馮驩長鉞空復彈中夜悲歌
亦奚補

冬日訪願之石林二首

以我滄洲意傍君林水來降絃二酉合石勢五丁開玉
屑初迴雪冰丸欲綻梅歲華搖落盡多病強擎杯

雪鴻堂集一

士

兼旬不出戶復此採幽行觸石凍雲起隔溪寒水平孤
琴夜三弄獨鶴時一鳴吟眺以之久高齋生遠情

寒夜贈客賦得獨不見

夫君年少清且真杜父之庸衛玠神塵譚奕奕擅名理
道傍見者呼璧人白駒歲晚繫空谷北風獵獵撼深竹
高館張鐙蘭焰寒小槽壓酒椒芳熟酒熟鐙寒君莫辭
歌喉宛轉銅龍遲千金卜夜且須醉咄咄書空胡爾爲
蕭然四壁成都彥知己偶逢楊意薦託諫文章在上林
一朝召對明光殿丈夫際合會有期司馬長卿獨不見
夜雨聽溪作